



Inatsisartunut Ilaasortaq
Laura Táunâjik
Siumut

Angajoqqaat angalasarnerat pillugu § 37 apeqqut nr. 2017-204-mut akissuteqaat

28-08-2017
Suliap normua. 2017 - 18419
Akt. suussusia 5984827

Asasara Laura Táunâjik.

Innarluutilinnik meeralinnut angajoqqaat angalasarnerat pillugu apeqqutigisannut qujanaq.

Postboks 260
3900 Nuuk
Oqarasuaat (+299) 34 50 00
Naqitanik nassitsigasuaat +299
34 66 66
Mail: iniian@nanoq.gl
www.naalakkersuisut.gl

1. Meeqqamut innarluuteqarneq pillugu illoqarfimmi allami paaqqinnittarfimmu inissinneqarsimasumut angajoqqaajusut inissinneqarfimmu nooqataasimasut ukiumut ataasiarlutik illoqarfigisimasaminnut tikeraarlutik angalasinnaanerannut aningaasaliisinnaanermut aalajangersakkamik atuutsitsilersitsineq qanoq akeqassava?

Naalakkersuisoqarfiup ulloq unnuarlu paaqqinnittarfinnut immikkoortortaqaafiata nalunaarutigaa, piffissami maannakkut meeraqarmat innarluutilinnik 29-nik namminneq angerlarsimaffittut illoqarfigisami avataani paaqqinnittarfinni najugalinnik.

Qulaanili allassimasut tunngavigalugit Naalakkersuisoqarfimmit taamatut aaqqissuussinnermut aningaasartuutaasartut nalilerneqarsinnaanngillat, tassami


- ilisimaneqanngimmat, qulaani aaqqissuussinnermut inuit qassit maannakkorpiaq pineqassanersut
- taamatummi angerlamut angalanernut aningaasartuutaasartut assorujussuaq nikerartussaammata apeqqutaassallunilu assersuutigalugit sumunnarneq kiisalu ukiup qanoq ilineratigut angalaneq ingerlanneqassanersoq
- aammattaaq ilaqutariit qanoq amerlassusiat annertuumik nikerarsinnaasarpoq, taamaattumik ilaqutariinnut ataatsinut biliisit qassiunissaat aamma naatsorsuinnermi aalajangiisartuussammat ilisimaneqanngitsoq

Ilanngullugu naatsorsuisinnaanermi aammattaaq eqqarsaatigineqartariaqarpoq, aaqqissuussinnermi taamaattumi inunnut tapersersuisuullutik angalaqataasunut akunnerit, najugaqarneq, sulitilluni isertitassaraluit annaasat assigisaallu ilanngunneqassanersut.

Qulaani allassimasunut innersuussilluni naatsorsuinermik suliaqartoqarsimanngilaq.

Naggasiulluguli oqaatigineqassaaq, inunnut innarluutilinnut tapersiisarneq pillugu inatsisartut inatsisissatut siunnersuummi nutaami aamma isiginiarneqarmata inunnut innarluutilinnut qanigisaasunut atugassarititat aammalu Naalakkersuisumit ilisimaneqarmat qanigisaasunut suli tapersiisarnerup sammiinnarneqarnissaanut pisariaqartitsisoqartoq.

Inussiarnersumik inuulluaqqusillunga


Agathe Fontain